

《中國地方志叢刊》編委會 編

中國地方志叢刊

華東卷·第五輯 玖

中國地方志薈萃

華東卷·第五輯

玖

《中國地方志薈萃》編委會
編



九州出版社
JIUZHOU PRESS

全國百佳圖書出版單位

圖書在版編目 (C I P) 數據

中國地方志薈萃·華東卷·第五輯 / 《中國地方志
薈萃》編委會編. — 北京: 九州出版社, 2017.8
ISBN 978-7-5108-5726-3

I. ①中… II. ①中… III. ①地方志—匯編—中國—
近代②華北地區—地方志—匯編—近代 IV. ①K290.5

中國版本圖書館CIP數據核字(2017)第182781號

中國地方志薈萃·華東卷·第五輯

作 者	《中國地方志薈萃》編委會 編
出版發行	九州出版社
地 址	北京市西城區阜外大街甲35號(100037)
發行電話	(010)68992190/3/5/6
網 址	www.jiuzhoupress.com
電子信箱	jiuzhou@jiuzhoupress.com
印 刷	北京市龍港印刷有限公司
開 本	787毫米×1092毫米 16開
印 張	442
字 數	3747千字
版 次	2017年8月第1版
印 次	2017年8月第1次印刷
書 號	ISBN 978-7-5108-5726-3
定 價	9800.00圓 (全十二冊)

乾隆蘇州府志（九）

出版說明

乾隆蘇州府志（九）

（清）雅爾哈善 傅椿修 習雋 王峻篆

蘇州府志卷第六十四

人物十八

吳江縣 新分震
澤縣人物附後

宋

魏憲字令則吳江人與弟志俱進士

吳郡志憲紹
聖四年進士

有聲太學號

熙豐人才累遷國子司業親喪三年弗御酒肉廬於冢上有

芝草甘露之祥再爲司業以學行見推兼太子舍人遷中書

舍人給事中其文溫厚雅正得代言之體宣和二年以直龍

圖閣知常州三年除太常少卿歷顯謨閣學士知明州建炎

二年爲吏部侍郎時案牘散佚吏緣爲姦有僞名寄貫之弊

憲請嚴保任開告賞急期會以戢其弊又言古未有背天險

以爲都者虜騎由京西不四五日可至淮泗宜有以待之久之以直學士提舉江州太平觀歸鄉里名所居曰止菴優游十餘年無疾而終年七十三志字幾道志四世孫汝賢淳祐四年特奏名狀元

盧志

松江漁翁不知其姓名每櫂小舟遊長橋往來波上扣舷酣歌自得紹聖中閩人潘裕自京師調官回過吳江遇而異焉起揖之曰予視先生氣貌固非漁釣之流願句緒言以發蒙陋瞪視曰君不凡若誠有意能過小舟語乎裕欣然過之翁曰吾厭喧煩處閒曠迹於此三十年矣幼喜誦經史百家之言後觀釋氏書今皆棄去唯飽食以嬉尚何所事裕曰先生

澡身浴德如此今聖明在上盍出而仕乎笑曰君子之道或
出或處吾雖不能棲隱巖穴追園綺之踪竊慕老氏曲全之
義且養志者忘形忘形者忘利致道者忘心心形俱忘其視
軒冕如糞土耳與子出處異趣子勉之裕曰裕也不才幸聞
先生之高義敢問舍所在翁曰吾姓名且不欲人知况居室
耶飲畢鼓枹而去

宋史

王蘋字信伯其先福清人唐水部郎棨時號人瑞有麟角集八
世孫伯虎字炳之嘉祐進士歷戶部員外郎與蘇黃唱和從
弟仲舉字聖俞剛介厲學不徇時好徙家吳之震澤卒贈奉
議郎生蘋出爲世父伯起後伯起字聖時受經王安石游曾

公亮父子間學文於子固題所居曰西室有詩曰唱道野集
卒贈右宣教郎二程在洛伯起遣蘋往從之遂爲河南高第
通春秋視楊時猶爲後進時亦謂後來師門成就者惟蘋耳
三舍法行遂不就舉紹興初高宗幸平江知府孫佑言蘋素
行高潔有憂時愛君之心開物成務之學丞相趙鼎以聞召
對補右廸功郎賜出身除正字兼史館校勘受詔條具賊退
利害蘋奏治本三事曰正心誠意曰辨君子小人曰消朋黨
上謂輔臣曰蘋起草茅而議論進止若素官於朝者大抵儒
者能通世務乃爲有用預修神宗實錄優詔獎諭朱震胡安
國尹焞皆舉以自代安國論薦尤力謂其學有師承識通時

務使司獻納必有補益遷著作佐郎通判常州主管台州崇道觀爲秦檜所嫉奪官久之復昇祠引年致仕官至左朝奉郎卒年七十二蘋識慮精微議論平易隕然若與世忘旣老作論語集解未成合集文集爲四卷章憲陳長方楊邦弼皆其門人也嘉熙元年知府王遂祠之學宮寶祐初里人立像震澤鄉校以長方邦弼配食號三賢子大本朝請郎大中儒林郎從孫楸字勉夫早孤奮學事母母歿以不逮養不肯預鄉薦所著有野客叢書三十卷集曉稿五十卷子德文字周卿克世其學與魏了翁真德秀游以杜範王遂薦官至承德郎子孜字行父終日清坐不聞聲咳童豎入見亦斂容而起著

雲嶠類要紀事極該博

姑蘇志按中吳紀聞云子孫世守府城德慶坊故居是蘋初居震澤後

徙府城耳陳長方後亦居吳中然吳縣志俱不載獨入吳江志者豈以吳江人物少而讓之歟

陳長方字齊之其先長樂人父仇字復之擢進士第娶吳人林旦女與陳了翁交從甚密了翁謫廉州仇以書賀之至千餘言由此得罪又從游定夫學得治氣養心行己接物之要長方生長外家從王蘋游紹興中舉進士授江陰教授尋歸居吳中步里終日閉戶研窮經史著書名步里客談及春秋禮記尚書傳漢唐論俱行於世學者稱唯室先生弟少方字同之亦端慧不羣孝宗朝爲東宮講官號二陳

中吳紀聞
盧志合纂

楊邦弼字良佐其先浦城人文公億四世孫來從王蘋學遂居

震澤探極理趣發爲詞章紹興十二年舉進士第三會行都

建太學選爲博士踰年通判信州服除以大理卿卿字疑改

湖南漕不務勾致甚得大體遷秘書丞著作佐郎又兩遷吏

部郎以起居舍人使金還遷起居郎中書舍人卒

盧志

王誼字正仲蘋從子師事楊邦弼以學行鳴於時秦檜當國忌

天下能者誼因發憤爲罷相對以刺之爲其僕所告檜怒貶

象州十年乃歸遂不復仕著春秋類書

莫旦徐師曾吳江縣志合纂

趙磻老字渭師其先東平人居吳江黎里孝宗朝以書狀官隨

范成大奉使金國成大薦之擢正言乾道八年以右通直郎

知楚州入爲太府寺丞復由兩浙轉運副使知臨安府除祕

閣修撰權工部侍郎所著有拙菴雜著三十卷外集四卷

姑蘇

志參舊

縣志

王份字文儒少力學工詩文隆興中以特恩補大冶令律身清

謹政尚寬恕修學校置田養士縣產鐵舊有鐵務病民份奏

減其額民德之繪像祀焉在縣七年一日登西塞山誦張志

和漁父詞卽致仕歸作室於雪灘號臞菴居士

莫志

沈義甫字伯時嘉定中領鄉薦爲南康軍白鹿洞書院山長舉

行朱子學規時稱良師久之致仕歸震澤鎮建義塾講學又

建明教堂以祀三賢學者稱時齋先生卒年七十八著時齋

集遺世頌行世

徐志

莫子文字仲武縉川人少敏悟通經史寶慶二年舉進士出知嘉興縣會王疇奉使括田法甚苛細子文不從疇譖之出使劾其拒命理宗素知子文止降宣義郎制詞云降爾一秩非朕得已然亦因是知爾之爲人仁矣田使見之怒奪不與後五年始復其官遷道州通判累官朝散大夫知廣德軍兼內勸農營田事賜緋魚袋卒年七十五

徐志松陵文獻合纂

陸十七吳江震澤市民父疾刳心作糜進啗遂愈寶祐二年郡守趙汝歷爲建旌孝坊又嘉熙中郡守吳潛建純孝坊以旌湯家浜里人刳心療母疾者惜逸其名

姑蘇志

盛明遠文肅公度十一世孫其先汴人度五世孫岫建炎初扈

蹕南渡通判平江府卜居吳江儒林里遂以科第甲邑中
遠以咸淳六年領鄉薦爲廣州錄事判官宋亡隱居不仕元
世祖聞其賢召判惠州自以世受宋恩堅辭不就詔書責迫
變姓名從老氏以終

徐志參松陵文獻

元

甯居仁太尉玉之子也本河陽人玉從伯顏南下留戍長橋後
以都元帥退老吳江自居仁以下遂爲吳江人居仁能修父
業累官鎮國上將軍廣東道宣慰使都元帥弟居正僉行宣
政院事昌言江南財賦司副使孫宗玉好書禮有儒者風幼
侍其父戍湖廣五開衛跋涉艱險父卒事母以孝聞總兵知

其賢命掌中潮千戶所書記剖決如流人皆稱之

松陵文獻

李真字允真宋祕閣侍郎衡裔孫也年三十喪其妻未及葬真以役事出家偶失火焚其棺真歸號痛收骸骨葬之而廬其右以自待終老不再娶子昱嘗輸粟百斛賑饑有司旌以冠帶辭不受人稱其世義云

徐孝祥吳江人家貧力學不干仕進嘗於廬後掘地見白金輒掩不發居三十年爲至治壬戌歲大飢乃盡發之以賑貧乏全活不可勝計其後嫁女甘於荆布錙銖弗取也子純夫以明經發解官翰林供奉承旨受封如其官卒年九十七

盛輿字敬之初爲震澤鎮教諭陞錦州學正兵興參謀浙省軍

政擢崇德州判官與嘗受易於郡人龔子敬好古博識醫卜地理之書靡不通究所著有韻書羣玉滴露齋稿

以上俱吳江舊志

王原傑字子英至正四年舉於鄉值兵亂不仕隱居授徒深於

性理之學爲詩文雅健高古學者稱貞白先生所著有春秋

讞議貞白英華文集水雲清嘯詩集子思忠亦有文學張士

誠據吳屢召不至率衆保障鄉里明師東下徐達單騎至城

下諭降知州楊彝不知所爲思忠謂曰羣雄割據生民之禍

極矣今王師弔伐禍自此弭又有山卵之勢奈何不歸附乎

乃與彝率衆降達嘉之賜思忠旗章俾鎮守焉事平歸里

莫志

華翥字伯翔好古力學有聲士林性至孝母疾禱北辰而愈及